

四庫全書

集部

欽定四庫全書

古文苑卷十七

宋 章樵 註

雜文

董仲舒集

叙

漢書本傳仲舒所著皆明經術之意及上疏條議凡百二十三篇此

必集中
所載也

董仲舒清河廣川人也以治春秋為博士下帷講誦弟子傳以久次相授業或莫能見其面蓋三年不窺園圃

論語請學為圃圃所以種菜茹王充論衡曰仲舒讀春秋三年不窺園菜進退容止非禮不

行學士皆師尊之漢孝武皇帝即位以賢良對策為江

都相事易王

景十三王傳江都易王名非武帝兄也顏師古曰易音改易之易謚法曰好更故舊

曰王素驕好勇仲舒以禮義匡正王敬重焉公孫弘希

世用事深疾仲舒是時膠西王尤縱恣數害吏二千石

膠西王王端易王同母弟亦武帝兄也為人賊戾相二千石至者輒求其罪告之無罪者詐藥殺之弘欲

中之乃言於上曰獨仲舒可使相膠西王素服其德善

待之仲舒恐久獲罪以病免凡相兩國輒事驕王正身

率下所居而治及去位歸居終不問產業以修學著書

為事年老以壽終於家

並仲舒本傳中語抑此敘居前班固采以為傳邪

王褒

僮約

蜀郡王子淵

地理志蜀郡即成都漢書本傳王褒字子淵蜀人也

以事到煎上

玉壘

山在成都西北湔水出焉亦名湔山煎水所經行之地故名煎上煎與湔同

寡婦楊惠舍有

一奴名便了倩行酤酒便了提大杖上冢顛曰大夫買

便了時

指楊惠故夫

只約守冢不約為他家男子酤酒子淵

大怒曰奴寧欲賣耶惠曰奴父許人人無欲者子即決

賣券之奴復曰欲使皆上券不上券便了不能為也子淵

曰諾券文曰神爵三年正月十五日

宣帝即位之十六年也接漢書神爵

五鳳之間上欲興協律之事益州刺史王襄令褒作中和樂職宣布詩因奏褒有軼材上徵褒既至詔為聖主得賢臣頃待詔頃之擢為諫大夫此文當作於未薦資名之前通鑑載求金馬碧雞於神爵元年與此不合

中男子王子淵

地理志犍為郡有資中縣郡屬益州

從成都安志里女子

楊惠買夫時戶下髡奴便了決賣萬五千奴從百役使

不得有二言晨起洒

一作早

掃食了洗滌居當穿白縛第

裁孟

方言孟或謂之盞

鑿井浚渠縛落鉏園

落籬落也

研陌杜埤

音脾

地刻大枷

具研治阡陌穴隙則塞之大枷連枷也打穀之

打穀也

屈竹作杷削治鹿盧

說文杷收麥器蒲巴切鹿盧引綆以汲井

出入不

得騎馬載

一作乘

車蹠坐大呷下牀振頭垂釣刈芻結葦

臘纊

編葦以為簞治麻以作布鄭氏詩箋竹葦曰葦臘緝治也孟子曰妻辟纊注緝績其麻曰辟練麻曰

璧音

沃不酪住醑

舊音徂模沃飲也乳汁作漿曰酪醑亦美漿醑醑之屬奴當甘麗

淡不得求美飲

織履作麗

方言屏屨摠謂之麗

黏雀張鳥

一作鳥

結網捕魚

繳鴈彈鳧

弋以絲繫矢曰繳音灼

登山射鹿入水捕龜浚園縱魚

鴈鵞百餘

浚治園中池以養魚鴈鵞鷗之屬

驅逐鷗鳥持捎牧猪種薑

養芋長育豚駒糞除常潔餒食音自馬牛鼓四起坐夜半

益芻二月春分被隄杜疆落桑皮機隄疆田畔之空地可耕鋤種植落謂

去其附枝及朽蠹者割種瓜作音昨瓠別茹拔葱其種而

植瓠壺也詩疆場有瓜又焚槎發等壟集破封地有枯

之借火氣以發土性等齊也聚日中早焚及早曝晒也

必焚雞鳴起春調治馬驢魚落三重落當作烙謂燒鐵烙蹄令堅而耐踏

莊子馬蹄篇伯樂治馬燒之剔之刻之維之舍中有客提壺行酤汲水作舖

哺滌杯整桮音以設飲食之具盃光舉桮齊眉園中拔蒜

斲蘇切脯築肉

築與祝同斲也

臠芋膾魚鮓烹茶

茶苦菜也煮以為茹

盡具舖已蓋藏關門塞竇餒猪縱犬勿與隣里爭鬪奴

但當飯豆飲水不得嗜酒欲飲美酒唯得染脣漬口不

得傾盃覆斗不得晨出夜入交關伴侶舍後有樹當栽

作船上至江州

漢中郡有江州縣蜀都衆水至此會合見蜀都賦

下到煎主

蜀郡

有湔道湔主湔之縣治也

為府掾求用錢推訪惡敗稜索

府掾郡之史胥用錢

庸直也稜索所以串錢訪即放字損敗者推弄之

綿亭買席

綿亭地名其處出席

往來都

洛

地理志廣漢郡有新都洛縣注章山洛水所出南至新都入湔有工官

當為婦女求脂

澤販於小市

膏沐之物小市所缺

歸都擔泉轉出旁蹉

泉胥里切麻也禹貢

岱畎絲象負

牽犬販

一作放

鵠武陽買茶楊氏池中擔荷

武陽地名茶茗也楊氏池產荷其莖茄其花芙蓉其實蓮其根藕皆可販賣

往來市聚

虛聚也

慎護奸偷入市不得夷蹲旁卧惡言醜罵多作刀弓持

入益州貨易牛羊奴自交精惠不得癡愚

惠與慧通

持斧入

山斷槩栽轅

槩長版論衡曰斷木為槩轅車軌也

若殘當作俎機木屐及

疑

一作堆

盤焚薪作炭

殘餘也俎機以盛肉屐渠戰反木履也疑盤餽猪之半斷裁之餘木

當用作此又其下則薪而燒之以為炭

石礪

力罪切

薄岸

皆水次為之以防暴水之至

治

舍蓋屋書削代牘

削木版也古人以書欲更書則削去之故謂之削牘編木為之

日暮

已歸當送乾薪兩三束四月當拔五月當穫

謂麥也

十月

收豆多取蒲紵

紵音苧皮麻屬也

益作繩索雨墮無所為當編

蔣織箔

蔣音漿菰蒲草也

植種桃李梨柿柶桑三丈一樹八尺

為行果類相從縱橫相當果熟收斂不得吮嘗犬吠當

起驚告隣里振門柱戶上樓擊鼓

一作拆

椅盾曳矛還落

三周

盾可蔽身矛可刺賊所以巡警盜竊也

勤心疾作不得遨遊奴老力

索種莞織席

索盡也蘇各切莞音官小蒲草可以為席

事訖欲休當春一石

夜半無事浣衣當白若有私歛主給賓客

私歛謂收租索債之類主

以供給賓客主猶掌也

奴不得有奸私事事當關白奴不聽教當

答一百讀券文偏訛詞窮咋索伧伧

咋音窄索色窄切伧音此恐畏不能

言扣頭兩手自搏目淚下落鼻涕長一尺當如王大夫

言不如早歸黃土陌蚯蚓鑽額早知當爾王大夫酤酒

真不敢作惡

班固

奕旨

大冠言博

蔡邕獨斷曰武冠或曰繁冠今謂之大冠武官服之

既終或進而問之

曰孔子稱有博奕

論語不有博奕者乎

今博行於世而奕獨絕博

義既弘奕義不述問之論家師不能說其聲可聞乎曰

學不廣博無以應客北方之人謂碁為奕弘而說之舉

其大畧厥義深矣局必方正象地則也道必正直神明德

也碁有白黑

一本黃黑

陰陽分也駢羅列布效天文也四象

既陳行之在人蓋王政也成敗臧否為仁由已危之正

也

危中夫博懸於投

投今作骰博具也以骨為之

不專在行優者有

不遇劣者有僥倖躋攀相凌氣勢力爭雖有雄雌未足

以為平也至於奕則不然高下相推人有等級若孔氏

之門回賜相服

論語子貢曰賜也何敢望回

循名責實謀以計策若

唐虞之朝考功黜陟

虞書三載考績三考黜陟幽明

器用有常施設無

析一作所

因敵為資應時屈伸續之不復變化日新或虛

設豫置以自護衛蓋象庖羲罔罟之制

易庖羲氏作結繩而為罔罟以

佃以漁蓋取諸離言廣布置也

隄防周起障塞漏決有似夏后治水之

勢

孟子禹之治水水之道也

一孔有關壞頽不振有似瓠子汎濫之

敗

漢武元光中河決瓠子承上文治水言之謹隄備也

一棊破室亡地復還曹子

之威

曹劌手劍刳盟齊桓歸魯侵地汶陽之田

作伏設詐矣圍橫行田單之

奇

田單守即墨用火牛奇計復齊七十餘城奕解圍似之

要厄相刳割地取償蘇

張之姿

蘇秦張儀以縱橫之術說六國扼其要害以相刳持失地於東取償於西棊之爭刳似之固

本自廣敵人恐懼三分有二釋而不誅周文之德知者

之慮也

文王三分天下有其二以服事殷棊之全勝不爭者也

既有過失能量弱

強逡巡需行保角依旁却自補續雖敗不亡繆公之智

中庸之方也

秦繆公因隤之敗悔過自誓卒保其國棊之補過自守者也

上有天地

之象

天文地則陰陽

次有帝王之治

庖犧禹文王

中有五霸之權

桓齊

秦繆

下有戰國之事

田單蘇張

覽其得失古今畧備及其晏也至

於發憤忘食樂以忘憂

言其激發志氣怡悅性情如此論語其為人也發憤忘食樂以

忘憂推而高之仲尼概也樂而不淫哀而不傷

勝則喜而不至於過

負則悲而不至於損

質之詩書關雎類也

關雎之詩樂而不傷純專知

知

柔陰陽代至施之養性彭祖氣也

守雌不競勝負兩忘此至人襲氣葆貞之

法莊子伏戲得之以襲氣母彭祖得之上及有虞下及五伯

外若無為默而識淨泊

自守以道意隱居放言遠咎悔行象虞仲

論語子謂虞仲夷逸隱居

故言身中
清廢中權
信可喜感乎大冠論未備故因問者喻其事

蔡邕

篆勢

徐堅初學記題以蔡邕篆書體古者蔡邕觀鳥跡造文字書契始作至周宣王時史

籀作大篆十五篇及秦書有八體一曰大篆二曰小篆王莽居攝使甄豐校定六書五曰繆篆所以摹印也六曰鳥虫書所以書幡信也自漢而下轉相摹倣名體愈多伯喈妙於書法靈帝命書六經刻石於太學門外

鳥遺跡皇頡循聖作則制斯文

皇頡蒼頡也後世推尊之故稱皇頡崔瑗草書

體云書體之興始自頡皇偶彼鳥跡以定文章體有六篆為真形要妙巧入神

或龜文斜列櫛比龍鱗紆體放尾長短副身頰若黍稷

之垂穎蘊若蟲蛇之勢緼揚波振激鷹時一本作龍躍鳥震

平聲延頸脅翼勢似凌雲或輕舉內投微本濃末若絕若

連似露緣絲垂凝下端策體有懸針倒蘆垂露偃波名非一從者如懸衡

者如編抄者邪趣不方不圓若行若飛跂跂翾翾跂音企

行也翾音僂小飛也遠而望之象鴻鵠羣遊絡驛遷延迫而察之

端澄不可得見指偽不可勝原研桑不能數其詰屈研計

桑弘羊二人精於筭班固離婁不能覩其隙間離婁古賓戲研桑心計於無垠之明目

人般倭揖讓而辭巧

公輸般魯人倭黃帝時人皆匠之巧者

猶誦拱手而

韜翰

韜史韜也誦沮誦也黃帝之史與蒼頡始造書法

處篇籍之首目粲粲斌

斌其可觀摘華豔於紈素為學藝之範圍

圓音旋規也所以為圖伯

皆自謂以此美麗之字體寫之紈素可為後人法式

嘉文德之弘懿舉大體而論

旃

旃猶之語助也左傳虞公求旃

黃香

責髯奴詞

寓詞髯奴以譏世之飾容貌膝類舌者

我觀人鬚長而復黑冉冉弱而調離離若綠坡之竹鬱鬱

若春田之苗因風披靡隨風飄颻爾乃附以豐順表以
蛾眉發以素顏呈以妍姿約之以絀綫潤之以芳脂莘
莘翼翼靡靡綏綏振之發曜黝若玄珪之垂於是搖鬚
一作奮鬚則論說唐虞鼓鑿動鬚則研覈否臧內育瓊

形外闡宮商相如以之間都

美人賦司馬相如美麗間都

顓孫以之

堂堂

論語堂堂乎張也顓孫師字子張

宣若子髯既亂且赭枯槁禿瘁

劬勞辛苦汗垢流離汚穢泥土儉囁穰穰

音而

與塵為侶

無素顏可依無豐順可怙動則困於憊滅靜則窘於囚

虜薄命為髡正著子願為身不能庇其四體為智不能

飾其形骸癩瘖瘖面常如死灰

癩瘖疾也豫諫漆身為瘖音賴瘖因病也律因

以飢寒死瘖音史

魯不如犬羊之毛尾狐狸之毫釐為子髮須不

亦難乎

聞人年準

魏敬侯碑陰文

三國魏志衛凱字伯儒河東安邑人少夙成以文學稱魏國既

建拜侍中與王粲並典制度勸贊禪代之儀為文誥之詔明帝時封閼鄉侯受詔典著作凡所撰述數十篇好古文鳥篆隸草無所不善謹敬侯

敬侯所葬之先域城惟解梁

後漢郡國志河東解縣有解城注左傳僖十五年晉

侯賂秦內及解梁城

地即鄆首地

山對靈足

靈山足

谷當猗口

猗谷口

勢高而趨幽形垣而背阜

垣謂環抱如墻阜豐厚也

鑿室而可以蔽

藏不墳而所冀速朽

禮記死欲速朽為宋桓司馬言之譏石槨也

珍奇素日

而靡尚衣服隨時而則有故吏述德於隧前門生紀言

於碑後

隧道之前謂碑銘也碑後即碑陰半準自謂也

白季居亭而已治詹嘉

在主而可友

郡國志解縣有白城注左傳曰晉大公入取白衰者也博物志曰白季邑又猗氏縣

注地道記曰左傳文十三年詹嘉處瑕在縣東北縣有鄉有亭在主在左也二者春秋時古跡敬侯葬所近之

也處高據之厚地將秭億而永久秭億期歷年之多也所著述注

解故訓及文筆等甚多皆已失墜所注孝經固而注釋

之名恐有誤字漢儒釋倉頡冢碑大篆書在左馮翊利

陽亭南道旁郡國志左馮翊衛縣注皇覽曰有倉頡冢在利陽亭南高六丈及華山下

亭碑塼筭狀碑為樊毅作毅人有乞復華山下民租口筭狀此云塼筭未詳殷叔時碑

殷華字叔時後漢人碑文見後魏大饗碑羣臣上尊號奏及受禪石表

文並在許繁昌帝王世紀魏文帝登禪于曲蠡之繁陽亭為縣曰繁昌今許之封內潁川繁昌

是尊號奏鍾元常書受禪表顗並金針一作錯八分書也

魏鍾繇字元常工書法敬侯所為文尊號奏鍾繇書受
禪表顏自書其字體並金針八分書也書體有八分懸
針金錯之名王愔文字志懸針小篆體也金錯書
八體書法不圖其形或曰以銘金石故曰金錯

太祖

文帝等臨詔令雍駁議上封事一百餘條誠子等散在

人間及碑石可見

言餘皆
亡失

樹碑人郡國縣道姓名具如

于後

樹立也人姓
名闕不載

古文苑卷十七

欽定四庫全書

古文苑卷十八

宋 章樵 註

記

漢樊毅修西嶽廟記

一作碑

山經曰泰華之山削成四方其高五千仞廣十里

西山經云

郭璞注山形上大下小峭峻也

周禮職方氏華謂之西嶽

職方氏河南曰豫州其山

鎮曰祭視三公者

禮記王制天子祭天下名山大川以五嶽視三公注云視其牲器之數以

其能興雲雨產萬物通精氣有益於人則祀之

祭法山林川谷

丘陵能出雲為風雨見怪物則祭之書大傳五嶽皆觸石而出雲膚寸而合不崇朝而雨故帝舜受

堯歷數親自巡省設五鼎之奠柴燎煙

論語堯曰咨爾舜天之歷數在

爾躬虞書歲二月東巡守至于岱宗柴八月西巡守至于西嶽如初注西嶽華山

致敬神祇人

用昭明百穀繁殖黎民時雍鳥獸率舞鳳凰來儀暨夏

殷周末之有改也

末莫也

其德休明則有禎祥荒淫臊穢

篤災必降秦違其典璧遺滴池二世以亡

鄭客至華山下望見山上

有素車白馬而至者授之璧曰為我遺滴池君今年祖龍死及始皇死於沙丘二世立而秦亡高祖應

運禮遵陶唐祭則獲福奕世克昌

言如堯舜之世尊祀羣岳

亡新滔

逆鬼神不享

新莽篡漢有滔天之惡逆故鬼神遠之莽以速亡

建武之初彗掃

頑凶

誅夷新莽平蕩僭竊如彗星之掃除

更率舊章敢用玄牡牲牷必充

天惟醇祐萬國以康

建武元年即位燔燎告天望于羣神二年初制郊兆於雒陽城南中

嶽在末四嶽各依其方

光和有漢元舅五侯之胄謝陽之孫

曰樊府君諱毅字仲德

後漢書樊宏字靡卿世祖之舅封壽張侯弟丹封射陽侯兄子

尋玄鄉侯族兄忠更父侯宏少子茂封平望侯是為五侯毅出於丹之胄復云射陽之孫蓋指毅祖襲封射陽

者謝與射同神夜切

承考讓國家于河南

至毅父遜國家居

宛職州郡辟

公府除防東長中都令

防東縣屬山陽郡中都縣屬東平國漢制萬戶以上為令減萬

戶為誅強競撫瘠民二鄙以清命守斯邦為弘農太守威隆

秋霜恩踰冬日景化既宣猶復夕惕惟窺祿之報順民

之則孟冬十月齊祀西嶽以傳一本有舍字窄狹不足處尊

卑廟舍舊久墻屋傾一作世室不修春秋作譏春秋文十

三年詳見前註特部行事荀班與縣令先黨以漸補治設中外

館圖珍奇畫恠獸嶽瀆之精所出禎秀役不干時而功

已著暫勞久逸神永有憑自古太山邱邑猶存邱一作邱公羊

傳邱者何鄭湯沐之邑也泰山之下諸侯皆有湯沐之邑焉注四井為邑取足止舍共藁穀而已邱舍也言此

邑以賜諸侯天子不收租賦

五嶽尊同哀此勤民獨不賴福乃上復

十里內工商農賦

有乞復華山下十里內民租田口筭狀在前

克厭帝心嘉

瑞仍畲

與答同爾雅前畲然也

風雨應起

一作卦應四時八卦之候

藏潤品物

君舉必書況乃盛德惠及神人可無述焉於是功曹郭

敏主簿魏襲戶曹史許禮等

皆弘農郡官屬也

遂刊玄石銘勒

鴻勛垂曜靈軫存有昭識

音志記也

其詞曰

二儀剖判清濁始分

二儀乾坤也易太極生兩儀乾坤既判輕清者為天重濁者為地

坤陽凝成

山陰積為川泰氣推否洪波況臻

二氣交泰常於否推之洪水橫流否也禹濬川奠山所以

臻堯命伯禹決江開汶川靈既定恩覆兆民乃刊祀典

辨于羣神因瀆祭地嶽以配天

左傳山嶽則配天

世主遵循永

享歷年赤銳煌煌

漢火德故云赤銳

受茲介福京夏密清

密與諡同

殊俗賓服令問不違可謂至德德音孔昭實惟我后

指

也古者諸侯皆稱后書肆覲東后又乃命三后

出自中興大漢之舅本枝惟百

延慶長久俾守西嶽達奉神祀改傳飾廟靈則有攸

一無

攸字按文上多則字

躋降瑞畚祚景風凱悌惟風及雨成我稷黍

穡民用章建乂室宇刊銘記誦

一作紀誦

克配梁甫

古者封泰山禪

梁甫刻石記功言此
銘誦可配梁甫之刻

碑

衛凱

西嶽華山亭碑

惟光和元年歲在戊子名曰咸池季冬己巳弘農太守

河南樊府君諱毅字仲德下車之初

毅以是年十一月到任有乞復田租

口筭狀并修西嶽廟碑見前

恭肅神祀西嶽至尊詔書奉詞躬親自

往省從

一作徒

勞謙即事有漸散齊華亭

齊與齊通下同

齊堂逼

窄郡縣官屬清

一作薦

齊無處尊卑錯綜精誠不固畏天

之威逢斯瘳怒時雨不興甘澍不布念存黔首懼闕曠

素

曠職尸素也

於是與令邑郡胸忍先謙公謀

謙胸忍縣人時為華陽令

公謀其字也胸音勑

圖議繕故斷度櫛廊立室異處左右趣之莫

不競慕二年正月己卯興就既成有元休嘉啓寤各得

竭情

一作誠

福祿是顧刻茲碑號吏卒夾路其詞曰

巖巖西嶽五鎮次宗

岱山為五嶽之宗則泰華為次宗

緒德之尊太華

優隆皇帝永思祀典孔明高神肯宴圭璧贄通赫赫在

上以畜萬邦惟嶽降神寔生羣公卿士百辟績業攸蒙

帝命不違歲事報功羣后命卿散齋外亭

前所謂華亭在廟之外

敬恭明祀以奉皇靈處所逼窄肩宰有聲神樂其靜脩

翬無形

肩宰併居煩雜也宰蘇骨反脩翬飛騰迅疾貌音蕭暉言神人異趨逼近則不敬

尊卑

有序潔心致誠因繕舊室整頓端平在其板屋孰不加

精天人同道萬祚來迎既受帝祉延于後生為龍為光

詩既見君子為龍為光注龍寵也

顯人王庭為公為侯福祿來成刻石

紀號永享利貞

府丞渤海劉固叔長功曹史楊儒曼先主簿湖陽趙
伯馮供曹掾楊基伯載史陟許禮文化縣丞隴西彭
和伯怡尤尉隴西甄璆叔曼監典者門下掾駱瑗伯
先主記史柏覽文進戶曹掾魏嘗威長史田磐大相
將作掾曹鑒孔明任就幼成史吳武丙昌

張昶

一作張旭

西嶽華山堂闕碑銘

禹貢南至于華陰注河自龍門南流至華山北而東

行地理志華陰縣故陰晉秦惠文王五年更名寧秦高帝八年更名華陰太華山在南有祠故

有碑文此廟蓋
合祀河嶽之神

易曰天地定位山澤通氣

易說卦之詞

然山莫尊於嶽澤莫

盛於瀆山嶽有五而華處其一瀆有四而河在其數其

靈也至矣聖人廢興

謂有聖人之位者

必有其應故岱山石立

中宗繼統

漢五行志孝昭帝元鳳三年泰山萊蕪山南有大石自立睦孟以為當有庶人為天子者

其後昭帝亡嗣宣帝自民間入紹大統廟號中宗

太華授璧秦胡絕緒

秦始皇三十六

年鄭客至華陰望見車素白馬從華山上下持璧與客因言今年祖龍死是歲始皇死於沙丘少子胡亥立三年而

白魚入舟姬武建業

史記周武王東觀兵渡河中流白魚躍入于王舟武王遂

克殷受寶珪出水子朝喪位

左氏傳王于朝用成周之寶珪于河津人得之河上

將賣則為石注珪自出水時子朝篡天子位後二年奔楚而死子朝周景王子也

布五方則處

其西列三條則居其中

五嶽各位其方而華居西禹貢西傾朱圉鳥鼠至于太華注相

首尾而東正義舊說以為二條馬融王肅皆以為導沂北條西傾中條壻冢南條

若廣袤

一作扶

奇蟲山經有紀矣

高廣險怪山經載之見前廟記

是以帝王巡狩親五

嶽而告至覲方后而考禮故經有望秩之禋

虞書禋于六宗又望

秩于山川注名山大川如其秩次望祭之國語精意以享禋也

典有生殖之祀

謂山川能生殖

百物則載諸祀典祭法山林川谷丘陵民所取財用也非此族也不在祀典

盖所以崇山川

而報功也四海一統天子秉其禮諸侯力政彊國攝其

祭奉其邑曰華陰也久矣乃紀於禹貢而分秦晉之境

秦鄙晉之西則曰陰晉

史記魏文侯三十六年秦侵我陰晉

邊秦之東則

曰寧秦

見題注

邑既遷徙禮亦如之二國力爭以奉以祭

邑入晉則晉奉祠邑入秦則秦奉祠

其城險固基趾猶存故老之言未殞

於民也

秦晉互據此邑築城以守之至漢一統城久圯壞遺趾尚在故老能言之

逮至大漢

受命克亂不愆不忘舊名是復

高祖更寧秦縣為華陰復禹貢舊名

率禮

不越故祀是尊歷葉增修虔恭又備一禱三祀終歲而

四前郊祀志五嶽四瀆皆有常禮唯泰山與河嶽五祠餘皆一禱三祠以迄于今而世宗

又經集靈之宮於其下

地理志華陰縣注太華山集靈宮武帝起世宗武帝廟號也後

漢桓

君山有集靈宮賦見藝文類聚

想喬松之儔是遊是憩

冀以招集王喬赤松于神

仙之

郡國方士自遠而至者充巖塞崖鄉邑巫覡

湖反女

巫

宗祀

一作崇祀

乎其中者盈谷溢谿咸有浮飄之志愉悅

之色必雲霄之路可升而越果繁昌之福可降而致也

故殖財之寶黃玉自出

色如蕉栗

今德之珍卿相是毓匪惟

嵩高降生申甫此亦有焉

詩維嶽降神生申及甫言山嶽之靈為國生賢東漢楊震

華陰人累葉公輔震孫賜策曰故司天有所興必先廢

之故殷宗周宣以衰致盛

因小乙之衰而有高宗因厲王之亂而有宣王

是時

也王業中缺大化陵遲

謂靈獻間

郡縣既毀財匱禮乏庭廟

傾壞壇場蕪穢祭祀之禮有缺焉於是鎮遠將軍領北

地太守閔鄉亭侯段君諱煨字忠明自武威占北土

地理

志北地郡秦置武威郡故匈奴休屠王地武帝初四年開東漢董卓傳初平元年使中郎將段煨屯華陰注

武威人也建安三年詔討李傕以煨為安南將軍封閔鄉侯按郡國志閔鄉屬華陰憑託河華二

靈是與故能以昭烈之德享上將之尊銜命持重屯斯

寄國

華陰元非所封故言寄國

討叛柔服威懷是示羣兇既除郡縣

集寧家給人足戶有樂生之歡朝釋西顧之慮而懷關

中之恃雖昔蕭相輔佐之功功冠羣后弗以加也

後漢書鄧

禹謂光武曰昔高祖任蕭何於關中無復西顧之憂遂得專精山東終成大業前漢贊高祖開基蕭曹為冠

解甲休士陣而不戰以逸其力修飾享廟壇場之位荒

而復辟

與闕同

禮廢而復興又造祠堂表以參闕

參三也闕廟前

門建神路之端首觀壯麗乎孔徹

神路所由入廟之路觀示也去聲然

後旅祀祈請

所謂三祀一禱旅祭名論語季氏旅於泰山

既有常處雖雨霑

衣而禮不廢

禮記魯子問篇諸侯旅見于天子入問雨雪服失容則廢禮

於是邑之

士女咸曰宜之乃建碑刻石垂示後裔其詞曰

於穆堂闕堂闕昭明經之營之不日而成匪奢匪儉惟德是程匪豐匪約惟禮是榮虔恭禋祀黍稷芬馨神具醉止降福穰穰

王延壽

桐栢廟碑

書禹貢導淮自桐栢注桐栢在南陽之東北

陽平氏縣東南淮水所出水經云出胎簪山東北過桐栢山胎簪蓋桐栢之旁小山傳言南

陽郡
之東

延熹六年

漢桓帝
年號

正月八日乙酉南陽太守中山盧奴

張君處正好禮

言不肯諂
事鬼神

尊神敬祀以淮出平氏始於

大復潛行地中見於陽口

荊州記曰桐柏淮源涌發其
中潛流三十里東出大復山

南山南有淮源廟漢書地理志南陽郡平氏縣注禹貢
桐柏大復山在東南淮水所出豈大復山一名胎舊邪

立廟桐柏春秋宗奉災異告誥

控詞以請
也七到反

水旱請求位

比諸侯

王制天子祭天下名
山大川四瀆視諸侯

聖漢所尊受珪上帝

言神
執珪

上帝太常定甲

太常禮官
著為令甲

郡守奉祀務潔沈祭

潔染牲
也沈璧

玉也周禮吉禮之別
十有二五曰埋沈

從郭君以來二十餘年不復身到

遣行承事簡略不敬明神弗歆灾害以生五嶽四瀆與

天合德仲尼慎祭常若神在

論語子之所慎齊戰疾又曰祭神如神在

君準

則大聖

謂以仲尼為法

親之桐柏奉見廟祠崎嶇逼狹開拓神

門立闕四達增廣壇場飾治華蓋高大殿宇穹齊傳館

石獸表道靈龜十四衢延弘敞宮廟嵩峻祇慎慶祝一

年再至躬進牲牷執玉以沈為民祈福靈祇報祐天地

清和異祥昭格禽獸碩茂草木芬芳黎庶預祉民用作

頌其詞曰

汭汭淮源聖禹所導湯湯其逝惟海是造疏穢濟遠柔
順其道弱而能強仁而能武聖賢立武明哲所取定為
四瀆與河合矩烈烈明府好古之則虔恭禮祀不愆其
德惟前廢弛匪恭匪力灾眚以興陰陽以忒陟彼高岡
臻茲廟側肅肅其敬靈祇降福雍雍其和民用悅服穰
穰其慶年穀豐植望君與駕扶老攜集奉君塵軌奔走
忘食懷君惠貺思君罔極于胥樂兮傳於萬億

奉侍祠官屬五官掾章陵劉訢功曹史安衆劉瑗主簿蔡陽樂茂戶曹史宛任巽秋五官掾新野梁懿功曹史酈周謙主簿安衆鄭寔主記史宛趙吳戶曹史宛謝綜

按郡國志章陵故春陵世祖更名宛故申伯國安衆蔡陽新野酈六邑並屬南陽郡掾屬

皆郡人可考漢世用人之法

蔡邕

九疑山碑

舊註集中有目而亡其篇

山海經曰南方蒼梧之丘蒼梧之川其中有九疑山焉舜之所葬在長沙零陵界湘中記曰九

山相似行者疑
感故名九疑

巖巖九疑峻極于天觸石膚合興播建雲

公羊曰觸石而起膚寸而

合不崇朝而徧雨乎天下者其泰山之雲乎

時風嘉雨浸潤下民芒芒南土

實賴厥勛逮于虞舜聖德光明克諧頑傲以孝蒸蒸師

錫帝世堯而授徵受終文祖璇璣是承

虞書以上見

太階以

平

秦階六符魁下六星也揚雄長楊賦玉衡正而人以太階平璇璣玉衡察天天之器一云北斗星也

有終遂葬九疑解體而升登此崔嵬託靈神仙

人有生則有死

死則有葬聖凡同之後世或言舜尸解登仙者蓋假託神仙之說以為靈異

古文苑卷十八

欽定四庫全書

古文苑卷十九

宋 章樵 註

碑

楚相孫叔敖碑

不載述碑人姓名

楚相孫君諱饒字叔敖本是縣人也

是縣指立碑之所期思縣左傳宣公

十一年令尹為艾獵城沂注艾獵孫叔敖也十二年為叔為宰擇楚國之令典注為叔孫叔敖襄公十五年為子馮為大司馬注叔敖從子說文為姓楚有

焉氏世為大夫此云孫君諱饒未知何據

六國時期

思屬楚楚都南郢南郢即南郡江陵縣也

六國周末時韓趙魏楚燕

齊與秦為敵故不數秦也後漢郡國志汝南郡期思故
蔣國前漢地理志南郡江陵故楚郢都楚文王自丹陽徙

此

君受純靈之精懷絕世之才有大賢次聖之質同少

見枝首蛇對其母泣吾將死母問其故曰吾聞見枝首

蛇者死今日見之母曰若奈之何吾煞殺行數十步念

獨吾死可恐復令他人見之死為因埋掩其刑古形母

曰若無憂焉其陰德玄善遂為父母九族所異枝即枝

兩頭也亦名枳頭蛇賈誼書孫叔敖之為兒出遊還憂

而不食其母問其故泣而對曰今日見兩頭蛇恐死母

曰今蛇安在曰聞見兩頭蛇者死恐他人復見之也已

殺而埋之母曰無憂汝不死矣吾聞之有陰德者天報

以及其為相呂氏春秋荆王欲以沈尹筮為令尹辭曰

之臣不若也王於是使人迎叔布政以道考天象之度

敬授民時察日月星辰周天之度以正時令聚藏於山殖物於藪聚古聚字

藏去聲言不竭取山澤之利宣導川谷波障源淥漑灌垆澤堤防湖

浦以為池沼鍾天地之美收九罙之利以慤潤國家古波

字通作陂漢書水居千石魚波音陂淥即泉字罙古澤字慤音義與殷同殷富也元和郡國志壽州安豐縣有

芍陂灌田萬頃與陽泉陂大業陂並家富人喜優瞻樂

業拭序在朝野無蝗蝻豐年蕃庶喜即喜字瞻即瞻字

蝻蝻即蝻蝻害稼之

出人有魯閔貞孝之行四民美好從容中節高相改幣

一朝而化

史記循吏傳孫叔敖為楚相施教導民上下和洽世俗盛美吏無姦邪莊王以為幣輕更

小為大百姓不便市亂相言之王復之下令三日而市復如故楚民俗好庠車王欲下令使高之相曰令數

下民不知所從不可請教閭里使高其相王許之居半歲民悉自高其車此不教而民從其化其憂國

忘私乘馬三季不別牝牡

世說諸葛亮教曰昔孫叔敖乘馬三季不知牝牡稱其賢

也繼高陽重黎伍舉子文之統

史記世家楚之先祖出自帝顓頊高陽重黎火

正之後孫叔益與楚同祖也按左傳鬬穀於菟實為令尹子文僖公二十七年楚使子玉治兵於蔿國老皆賀子文為賈後至不賀注為賈孫叔敖之父也是與子文為同時人昭公二年楚公子圍聘于鄭伍舉為介伍舉

椒舉也後園立是為靈王椒舉始用事故其世在其忠
孫叔敖之後此云繼統未詳文意亦不屬恐有悞

信廉勇禮樂文章軌儀同制同制謂先王制度所加之國其富國充

民明天時盡地力寔堅禹稷不能踰也寔堅皋陶名左傳作庭堅專

國權寵而不榮華莊子肩吾謁於孫叔敖曰子三為令尹而不榮華一旦可得

百金至於歿齒而無分銖之蓄言為相時權勢可以取貨財而叔敖不取破

玉玦不以寶財遺子孫終始若矢去不善如絕絃矢取其直

絃斷不復續辟患害於無刑古形字衛節高義敦良奇介自曹

臧孤竹吳札子罕之倫不能驂也曹公子臧孤竹二子伯夷叔齊吳季札四

人皆遜國宋子罕辭玉不受並廉介之士駢與之生於齊也駕車之馬兩服兩駢比物比力必欲均齊

季末仕於靈王

按謚法亂而不損曰靈猶周書稱寧王召南稱平王非謂靈王圍也圍後莊王

四世叔敖初仕穆王時後相莊王莊王即春秋所書楚子呂也賢於時君春秋進之立濶濁而澄

清處幽暗而照明其遺武餘典恨不與盛皇帝代同世

世為列姪國在朝廷其意常墨墨若冠章甫而坐塗炭

也

姪即姪字周姪姓出自黃帝居姪水之陽因以為姓言叔敖之賢若生中國遇明聖之朝當分封祚土與

姪姓諸國世奉天子今乃生於荆楚不遇明君故可恨也病甚臨卒將無棺槨令其

子曰優孟魯許千金貸吾孟故楚之樂長與相君相善

雖言千金實不貸也

優伶人也字孟假此詞以其子於孟實未嘗貸

卒後數年

莊王置酒以為樂優孟乃言孫君相楚之功即忼慨高

歌曲曰貪吏而可為而不可為廉吏而可為而不可為

貪吏而不可為者當時有污名而可為者子孫以家成

廉吏而可為者當時有清名而不可為者子孫困窮被

褐而賣薪貪吏常苦富廉吏常苦貧獨不見楚相孫叔

敖廉潔不受錢涕泣數行若投首王

欲言叔敖妻子貧困語未竟故作歸

投赴壑之狀史記滑稽傳載優孟貪吏廉吏之詞與此碑小異

王心感動覺悟問孟孟

具列對

是以賣薪之事對

即來其子而加封焉子辭父有命如

楚不忘亡臣社稷

畝即圖字謀也

而欲有賞必於潘國下濕

境塉人所不貪

國於瘠土免為有力者所奪

遂封潘鄉即固始也三

九無嗣國絕祀廢

郡國志固始侯國故寢也光武中興更名有寢丘注史記曰楚莊王封孫

叔敖子然則潘即寢丘一鄉耳二十七年國絕不續封見初封出於疆勉以終世為列姬國意

固始令

段君夢見孫君則存其後就其故祠為架廟屋立石銘

碑春秋烝嘗明神報祚即歲遷長棧太守及期思縣宰

漢武帝得休屠王故地置張掖郡長棧隸休或從省耳一歲再遷蓋假太守之名以重縣宰之權張掖未嘗之

任段君諱光字世賢魏郡鄴人庶慕先賢

庶幾古賢而景慕之體

德允恭篤古遵舊奉履憲章欽翼天道五典興通攷籍

祭祠祇肅神明臨縣一載志在惠康莖枯粟乏愛育黎

烝討掃醜類鰥寡是矜杜偽養善是忠表仁感想孫君

廼發嘉訓興祀立壇勒勤愛敬念意自然刻石銘碑千

載表績萬古標記福祐期思縣興士熾孫氏蒙恩

固始修葺

舊祠期思創興壇宇二處皆立碑福祐之應隨所寓言之漢延熹三年五月廿八日

立

樊遷

漢故中常侍騎都尉樊君之碑

後漢樊宏字靡卿南陽湖陽人

也世祖之舅其先周仲山甫封于樊因而氏焉世祖即位拜宏光祿大夫位特進次三公建武五年封長羅侯十五年定封壽張侯十三年封弟丹為射陽侯兄子尋立鄉侯族兄忠更父侯宏卒子儵嗣復封少子茂為平望侯樊氏侯者凡五國

君諱安字子佑南陽湖陽人也厥祖曰仲山父翼佐周

宣出納王命為之喉舌以致中興

並見詩

食采于樊

周語樊仲

山甫諫注食采于樊

子孫氏焉奕世載德守業不愆

宏父重字君雲性溫厚有

法度三世共財居鄉
有折契止訟之美

在漢中葉篤生哲媛作合南頓實

產世祖

南頓令欽景帝六世孫也配樊氏樊重之女本紀論曰皇考南頓君初為齊易令以建平元年

十二月甲子夜生光武於縣舍

征討逆畔復漢郊廟而樊氏以帝元舅

顯受茅土封寵五國壽張侯以功德加位特進其次並

已高聲處鄉校

言地望既高而篤於學問

侍中尚書據州典郡不可

勝載為天下學治韓詩論語孝經兼典記傳古今異義

甘貧樂約意不回貳天資淑慎稟性有直秉操不移不

以覲貴世政促峻邑宰寡識慢賢役德被以勞事然後

慷慨官于王室歷中黃門冗從儀史拜小黃門小黃門

右史遷藏府令中常侍

黃門常侍皆得入禁中給事左右常侍多為大夫博士以上加

官朱穆疏云按漢故事中常侍參選士人建武以後乃悉用宦者又云自和熹太后以女主稱制乃以閹人為常侍小黃門通命兩宮攷之此碑可驗顏師古注百官表云中黃門謂奄人居禁中在黃門之內給事者參攷未其事上也貞固密慎矜矜戰戰作主股肱助國視聽

外職不誣內言不泄為近臣楷模以兄弟並盛雙據二

郡宗親賴榮年五十有六以永壽四年二月甲辰卒

按桓

帝紀是年六月朝思其忠追拜騎都尉寵以印綬策書

戊寅改元延熹

褒歎賻贈有加嗣子遷實以幼弱夙叙王爵而喪所天

禮備復位

謂二十五月喪制畢而復位

以延熹三年冬十有一月自

上蒸祭

兩雅冬祭曰蒸蒸進也進品物

乃尋惟烈考恭修之懿勒之碑

石俾不失墜其詞曰

肅肅我君帝躬是翼

虞書予欲左右有民汝翼

王事多難我君是力

詩仲山甫威儀是力

秉此小心以亮皇職惟帝念功庸以與服書明

試以功車服以庸

大命傾殞魂神遷佚龜艾追贈

龜印紐也艾所以染色謂

綠綬也百官表諸侯王監綬晉灼曰監草名也似艾可以染綠因以為綬名

用光其德藹藹

遺稱作呈作式

呈與程同言可為後人法式

勒銘茲石垂示罔極勲

名不列永昭千億

列音極刊也

制詔中常侍樊安宿衛歷年恭恪淑慎嬰被疾病不

幸蚤終今使湖陽邑長劉慘追號安為騎都尉贈印

綬魂而有靈嘉其寵榮嗚呼哀哉延熹元年八月二

十四日丁酉下

鄺炎

漢金城太守殷君碑

一作衛覲是敬侯碑文可證按史鄺炎以熹平六年

死此碑稱殷君光
和二年卒乃次年

君諱華字叔時上郡之陽人大匠君之子也其先出自

有殷因國定氏不改其號聖哲玄流

謂成湯而下哲王

至君而

懿幼應瓊蘭之美

詩乃生男子載弄之璋左傳燕姑夢天與已蘭而生鄭穆公應一作膺

長有冲邈之志敦詩說禮

左傳晉卻縠為中軍帥說禮樂而敦詩書

韞韞竹

貴誕循前業

韞方素反韞徒木反弓韞也貴簡策也言文武之具克遵前業

守以恪恭

仕歷州郡忠愕有分其大操也

耽耽虎視龍變不羈

易虎

視耽耽言威重也史記文夫龍變言如龍蛇之變化也

故能雄傑於并域聲班於

上京

地理志二郡屬并州
上京漢京河南尹也

察舉孝廉貢除郎中左

一作佐

馮翊丞協宣文物公事知州舉茂才宛丘令崇行寬猛

示之禮禁

宛丘縣屬南陽郡
為令恩威並施

褒延庠校政以惠和三載

陟隕邪臨金城郡鄣羌虜

隕與勛同古勲字鄣與障同
障塞也言為令三載朝以有

功於民升為金城太守不直隕臺省盤旋外庸
故曰邪臨或謂金城地在西北邪臨猶邪指也避難遷

移役兼民匱室如懸罄

家無儲積也左傳野
無青草室如懸罄

乃敷權略

獎厲威信獫狁率服不敢窺踰

獫狁北狄周曰獫狁漢
曰匈奴不敢窺伺中國

踰越

疆界兵戢而時動因省徭以習義興利弭患順其所樂

開通狹道造作傳館吏事咸悅不勞而勸是以搢紳之

徒譚講雅頌釋軍旅之犀革陳俎豆於泮宮

犀鉞利之兵刃革穿

皮以為甲泮宮諸侯之學言武備既飭修講文士

其父檐軫

其當作期順父老人斑白

狀軫音旦肩輿也今人亦謂輜為檐軾車也言泮宮養老以車與延致之

旌顯才良咨量三

壽賞刑不僭

三壽三老也詩三壽作朋咨訪三老以酌量其政故賞罰均平不至僭差

邦場

寧靜歲時豐登耆叟擊壤童叟謳譟功碁垣列當升寵

祚到任期年功績顯著宜祚之茅土

吳不耆德景命失靈以光和元年

九月乙酉卒官生有嘉休終則鼎銘於是故吏邊竺江

英韓遂

緒一作

等追送遐丘

瑩域之所

刊石勒勛其詞曰

於惟明后懷德握醇昆台之耀秀出不羣

昆台未詳恐是昆吾字昆

吾石治鐵鑄劍光彩照耀切玉如泥
列子穆王征西戎西戎獻昆吾劍

文昭有毅武列能

仁含舒憲墨以育生民乘紀東壤西國著勛身沒名流

載世常存古之遺老非此孰云于爾臣恩續一作其臭

芬

邯鄲淳

後漢鴻臚陳君碑

本傳陳寔字仲弓潁川許人也除太丘長修德清靜百姓

以安子紀字元方亦以至德稱兄弟孝養閨門
靡和後進之士皆推慕其風及遭黨錮發憤著
書數萬言號曰陳子黨禁解四府並命無所屈
就遭父憂每哀至輒嘔血絕氣雖哀服已除而
積毀消瘠殆將滅性豫州刺史嘉其至行表上
尚書圖像百城以厲風俗董綽入洛陽乃使就
家拜五官中郎將不得已到京師遷侍中出為
平原相時議欲以為司徒紀見禍亂方作不復
辨嚴即時之郡璽書追拜太僕又徵為尚書令
建安初拜大鴻臚年七十一卒於官弟謹與紀
齊德父子並著
高名時號三君

君諱紀字元方太丘君之元子也始祖有虞受禪陶唐

亦以命禹其後嫺滿當周武王時祚

一作

土于陳

史記陳世

家武王克殷求舜後
得嫡滿封之於陳

君其世也君生應乾坤之純質受

嵩岳之粹精內包九德外兼百行淵深淪於不測膽智
應於無方弘裕足以容衆矜嚴足以正世然後研幾道

奧涉覽文學凡前言往行竹帛所載靡不坐該其善也
疊疊焉其誘人也是以令問廣譽塞于天淵儀形嘉誨

範乎人倫存乎本傳故畧舉其著於人事者焉顯考以

茂行崇冠先儔

世說客有問陳季方曰太丘有何功德而荷天下重名季方曰家君如桂樹生

泰山之阿上為甘露所沾下為淵泉所潤當斯之時
桂樹焉知泰山之高淵泉之深不知有功德與無也季

弟亦以英才知名當世孝靈之初並遭黨錮

建寧二年有司

奏虞放杜密李膺等皆為鈞黨下獄錮及五屬俱處于家號曰三君故得

奉常供養以循子道親執饋食朝夕竭歡及太丘君

疾病終亡喪過乎哀崩傷嘔血如此者數焉服禮既

除戚容彌甚聞名心矚言及隕涕雖大舜之終慕

孟子

大孝終身慕父母五十而慕者予於大舜見之矣魯參之自盡

孟子親喪固所自盡也魯

子居親喪水漿不入口者七日無以踰也豫州刺史嘉懿至德命

勅百城圖畫形像

先賢行狀曰豫州百城皆圖畫寔紀謚形像焉

于今遺稱

越在民口既處隱約潜躬味道足不踰閩乃覃思著書三十餘萬言言不務華事不虛設其所交釋合贊規聖哲而後建旨明歸焉今所謂陳子者也初平之元禁網蠲除

本紀初平元年赦天下黨人還諸徙者

四府並辟弓旌交

至弓旌所以招聘賢者雖崇其禮命莫敢屈用大將軍何進表

選明儒君為舉首公車特徵起家拜五官中郎將

此疑

與本傳小異蓋董卓入洛陽時表選召拜君者何進也觀君對卓遷都之間即時之平原其不為卓屈明矣到遷侍中旬有八日出相平原會孝靈晏駕賊臣

東政

董卓為相國

肆其兇虐剥亂宇內州郡幅裂戎與並戒

君冒犯鋒矢勤恤民隱馴之以禮教示之以知恥視事

未暮士女何方會刺史敗於黃巾

張角反其部師有三十六萬皆著黃巾

幽冀二州爭利其土

二州刺史因世亂竊據土地以為已利

君料敵知難

不忍其民為已致死乃辭而去之於是老弱隨慕拔轅

持轂輪不得轉遂晨夜間行寓於邳郊之野

漢地理志東海郡有

下邳縣邳縣按史記邳費邳邳皆小國也

袁術恣睢僭號江淮圖覆社稷

按三

國術以興平二年僭號以九江太守為淮南尹置公卿祠南北郊

結婚呂布斯事成重

必不測救君諗布不從遂與成婚送女在塗君為國深

憂乃奮策出奇以奪其心卒使絕好追女而還離姦

謀使不得成國用又安君之力也

呂布傳袁術為子求婚布許之術遣韓胤

以借號事告布因求迎婦布遣女隨之沛相陳珪恐術報布成婚則徐揚合從為難未已於是往說布布素怨術而女已在塗乃追還絕婚史以為陳珪未知孰是抑二人共為此謀唯帝念功命作尚書

令會車駕幸許

獻帝建安元年曹公操奉迎天子幸許遂遷都焉

拜大鴻臚實

掌九儀四門穆穆

東漢漢記大鴻臚主儀贊九賓之禮虞書賓于四門四門穆穆

遂登

補袞闕以熙帝載不幸寢疾年七十有一建安四年六

月卒惜乎懷道處否登庸日寡實使大業不究元勲靡
建茲海內所為嗟悼凡百所以失望也天子愍焉使者
弔祭羣卿以下臨喪會有子曰羣追惟蓼莪罔極之恩
羣位至三公名德不及祖父時人為之語曰公慙卿卿
慙長蓼莪孝子不得終養之詩也其詞曰欲報之德吳
極天問乃與邦彥碩老咨所以計功稱伐銘贊之義遂樹
斯石用監于後其詞曰

於穆上德時惟我君固天縱之天一作大鍾厥純命世作

則實紹斯文遭險龍潛抗志浮雲

謂因黨錮家居易潛龍勿用論語不義而

富且貴於我如浮雲所貴在已樂存事親雖處畎畝天子屢聞乃

階郎將陪帝作鄰

謂由五官中郎將而階升為天子左右近臣詩無陪無卿書臣哉鄰哉

平原寇深遂辭其民思齊古公邠士是因

言君之愛民與民之戀君

與古公齊德古公亶父避狄去邠事見孟子

不忘諗國惠我無垠復命喉舌

秉國之均

尚書令也

爰登卿士媚茲一人

鴻臚在漢為九卿詩媚于天子注媚

愛也如何穹蒼不授遐年也黜厥在位每懷不申股肱或虧

朝誰與詢

股肱之臣既喪朝有政事無所詢訪

甄甄小子號泣于是

作碑者自

謂勒銘表德久而彌新

崔瑗

河間相張平子碑

後漢書張衡字平子南陽西鄂人也少善屬文通五經貫

六藝尤致思於天文陰陽厯算安帝徵拜郎中再遷為太史令乃研覈陰陽妙盡璇璣之正作渾天儀著靈憲算罔論言甚詳明永和初出為河間相四年卒注西鄂縣在今鄧州向城縣南有平子墓及碑在焉崔瑗之文也

河間相張君南陽西鄂人諱衡字平子其先出自張老

為晉大夫納規趙武而反其侈書傳美之

趙武謚文子晉語文子為

室斲其椽而礮之張老曰天子之室斲其椽而礮之加密石焉諸侯礮之大夫斲之禮也文子今勿礮匠人請

皆斷之夫子曰止為後世之見之也其斷者仁者之為也其鑿者不仁者之為也君天姿獻哲

敏而好學如川之逝不舍晝夜是以道德漫流文章雲

浮數術窮天地制作侔造化

言渾天儀也范曄論引之

瓌詞麗說奇

技偉藝磊落煥炳與神合契

言靈憲筭周論也

然而體性溫良

聲氣芬芳仁愛篤密與世無傷可謂淑人君子者矣初

舉孝廉為尚書侍郎遷太史令實掌重黎歷紀之度亦

能煇耀敦大天明地德光照有漢

史記南正重司天火正黎司地鄭語黎為

高辛民火正以煇耀敦大天明地德光照四海言重黎典序天地能使日月增輝山川順理其功光照當世今

平子為太史令亦能如此光耀
於漢室無愧重黎之職煇音淳遷公車司馬令侍中遂

相河間政以禮成民是用息

本傳時河間王騎舍不遵典憲衡下車治威嚴整法

度上下遭命不永閼忽喪徂

本傳年六十二永和四年卒閼忽猶奄忽也喪古遷

宇朝失良臣民隕令君大泯斯道世喪斯文凡百君子
靡不傷焉乃銘斯表以旌厥問其詞曰

於維張君資質懿豐德茂材美

一作美

高明顯融焉所不

學亦何不師

論語夫子焉不學而亦何常師之有

盈科而逝成章乃達

孟子

流水之為物也不盈科不行君子之志於道也不成章不達

一物不知實以為恥聞

一善言不勝其喜包羅品類稟授無形酌焉不竭沖而

復盈廩廩其庶疊疊其幾

易顏氏之子其殆庶幾乎

膺數命世紹聖

作師

言當世無居其右者應數間生命世之才繼前聖以為師

苟華必實令德惟恭

柔嘉伊則孝友祇容允出在茲維帝念功

言出為河間相也書允出

茲在茲惟帝念功

往才女諧

古文尚書哉作才

化洽民雖慙而不弔降

此咎兇

詩昊天不弔降此鞠凶

哲人其萎罔不時恫

禮記哲人其萎乎書民罔

不時恫恫痛惜也

紀于銘勒永終譽兮死而不朽芳烈著兮

歐陽氏集古目錄跋尾漢張平子墓銘世傳崔子玉

撰并書按范曄漢書張衡贊云崔子玉謂衡數術窮
天地制作侔造化今銘有此語則真子玉作也其刻
石為二本一在南陽一在何城天聖中有右班殿直
趙球者知南陽縣事因治縣廨毀馬臺得一石有文
驗之廼斯銘也遂龕于廳事之壁其文至凡百君子
而止其後半亡矣其在何城者今尚書屯田員外郎
謝景初得其半於何城之野自凡百君子已上其前
半亡矣今以二本相補續其文遂復完而闕其最後

四字然則昔人為二本者不為無意矣唐寶應中有徐方回者別得二十一字云是銘最後文疑球所得南陽石之半亡者爾今後不復見則又亡矣惜哉

邯鄲淳

度尚曹娥碑

會稽典錄曰上虞長度尚弟子邯鄲淳字子禮時甫弱冠有異材尚

先使魏胡作曹娥碑文成未出于禮至試使為之操筆而成無所點定朗嗟嘆不暇遂毀其草

孝女曹娥者上虞曹盱之女也其先與周同祖

文王之振鐸

封於曹

末曹荒流

一作沈

爰茲適居盱能撫節按歌婆娑樂

神

詩子仲之子婆婆其下毛氏注婆婆舞也後漢書列女傳云沂濤迎婆婆神恐非

以漢安二

年五月時迎伍君

漢安順帝年號二年歲在癸未伍子胥為濤神

逆濤而上為

水所淹不得其尸時娥年十四號慕思盱哀吟澤畔旬

有七日遂自投江死

娥投衣於水祝曰父尸所在衣當沈衣隨流至一處而沈娥遂隨衣

沒衣或作爪見項原列女傳

經五日抱父屍出以漢安迄于元嘉元

年青龍在辛卯

元嘉桓帝年號青龍太歲也漢安二年至此凡九年

莫之有表度

尚設祭誅之

列女傳云度尚改葬娥於江南道旁為立碑焉

詞曰鬱伊孝女瞻

瞻之姿偏其反而令色孔儀窈窕淑女巧笑倩兮宜其

家室

謂娥安容之
美宜配君子

在洽之陽大禮未施

大明詩在洽之
陽洽水名水北

為陽言文王親迎太姒于莘
也此禮未施謂娥在室未嫁

嗟喪慈父彼蒼伊何無父

孰怙訴伸告哀赴江永號視死如歸是以渺然輕絕投

入沙泥翩翩孝女載沈載浮或泊洲渚

一作嶼

或在中流

或趨湍瀨或逐波濤

未遇父尸
漂流靡定

千夫失聲悼痛萬餘觀

者填道雲集路衢泣淚掩涕驚慟國都是以哀姜哭市

左傳魯哀公夫人姜氏歸于齊將行哭而過
市曰天乎仲為不道殺適立庶市人皆哭

杞崩城隅

齊杞梁之妻哭其夫而哀城為之
弛而隅為之崩二者言誠之能感

或有尅面引鏡

梁高
行者

早寡不嫁梁王使聘之婦援鏡操刀以割其鼻
曰刑餘之人殆可釋矣王高其節號曰高行
務耳用

刀沛郡劉長鄉妻吳孫奇妻皆少
寡守節援刀割耳明已不二
坐臺待水楚昭王出遊留夫人

漸臺之上王聞江水大至使迎夫人志持符夫人曰妾
不敢越義而求生水大至而死號曰貞姜並列女傳

抱樹而燒介之推母與推俱隱繇山
不能得焚其山終不出而焚死又琴操曰介

子抱木而燒死四
者言秉節不踰
於戲孝女德茂此儔何者大國防禮

自修豈况庶賤露屋草茅不扶自直不鏤一作
斷一作自彫後漢

徐穉傳有此兩語說苑
蓬生梟中不扶自直
越梁過一作宋比之有殊梁高

行宋謂宋伯姬皆大國之女也伯姬遇火因傅姆不至
不肯下堂而燒死春秋賢之按上文抱樹而燒當用伯

姬事抱樹字
恐傳寫誤爾

哀此貞厲

一作獨

千載不渝嗚呼哀哉詞曰

名勒金石質之乾坤歲數歷祀立廟起墳光于后土顯

昭天人生賤死貴列之義門何悵華落飄零早分葩艷

窈窕永世配神

言當配享江神

若堯二女為湘夫人時効髣髴

以昭後昆

楚詞有湘君湘夫人堯之二女娥皇女英其廟在湘山

漢議郎蔡邕聞之來觀夜闇以手摸其文而讀之邕

題文云黃絹幼婦外孫壺臼

語林楊修至江南讀曹娥碑碑背有八字曰黃

絹幼婦外孫壺臼曹操不解問修曰即知否修曰知之操曰且勿言待孤思之行三十里乃得之今修解

修曰黃絹色絲色絲絕字幼婦少女少女妙字外孫
女子女子好字壺白受辛受辛辭字操曰一如孤意

古文苑卷十九

欽定四庫全書

古文苑卷二十

宋 章樵 註

誄

揚雄

元后誄

漢書本傳孝元皇后王莽之姑也莽篡漢國號新更命太皇太后為新室文母

年八十四崩莽詔大夫楊雄作誄曰太陰之精沙麓之靈作合於漢配元生成著其協於元城沙麓太陰精者謂夢月也

新室文母太后崩天下哀痛號哭涕泗思慕功德咸上

樞誅之銘曰

上樞謂陳薦奠之物一無樞字

惟我有新室文母聖明皇太后姓出黃帝西陵昌意實

生高陽

史記黃帝娶於西陵之女生二子其二曰昌意降居若水昌意生高陽有聖德焉是為帝顓頊

昌意至舜七世矣

純德虞帝孝聞四方登陟帝位禪受伊唐爰

初胙土陳田至王

漢書本傳黃帝八世生虞舜舜起媯汭以媯為姓至周武王封舜後媯滿

於陳十三世生完字敬仲齊齊桓公以為卿姓田氏十一世田和有齊國三世稱王至王建為秦所滅項羽

起封建孫安為濟北王漢興安失國齊人謂之王家因以為氏營相厥宇度河濟旁沙

麓之靈太陰之精

翁孺徙魏元城委粟里元城建公曰昔春秋沙麓崩晉史卜之曰後六百

四十五年宜有聖女興其齊田乎今王翁孺徙正直其地日月當之元城郭東有五鹿之虛即沙麓也翁孺生禁禁生政君即元后也母李氏天生聖姿豫有祥禎作姙政君在身夢見月入其懷

合于漢配元生成

本傳五鳳中后入掖庭宣帝令送太子宮甘露三年生成帝於甲觀畫堂

元帝即位立為皇后

孝順皇姑承家尚莊

一作聖敬齋莊皇姑宣帝王皇后母養元帝者

也內則純被

一作備內則閨闔之禮度也禮記有內則篇

後烈丕光肇初配

先天命是將兆徵顯見新都黃龍

將大也謂元帝時黃龍見于新都以為莽

竊位之識漢成既終屑嗣匪生

成帝無子立定陶恭王哀帝子為皇太子是為哀帝

承祚惟離典經尚是言異

帝入繼大統尊定陶恭王為恭皇因曰春秋母以子貴尊

傳太后為帝太后丁姬為帝太后皆不合典禮惟是已者是尚其言實乖於正理大命俄顛厥

年夭隕大終不盈哀帝在位六年文母覽之千載不傾太后

察此為基作博選大智新都宰衡明聖作佐與圖國艱不傾之計

以度厄運徵立中山新都侯莽迎立中山王是為平帝莽秉政號曰宰衡庶其可

濟博采淑女備其姪娣親一作禮高禘祈廟嗣繼太后為平

帝聘莽女為后又備嫔女祀高禘祈嗣續以衍宗廟之繼靡格匪天靡動匪地穆穆

明明昭事上帝弘漢祖考夙夜匪懈興滅繼絕博立侯

王親睦庶族昭穆序明帝致友屬靡有遺荒咸被祚慶

平帝紀二年立代孝王玄孫之子如意為廣宗王江都
易王孫盱台侯官為廣川王廣川惠王曾孫倫為廣德
王封霍光從父昆弟曾孫張冀以金火赤仍有央金劉
故周勃樊噲之後皆為列侯

漢德赤火之色有央猶未
央也言冀火德之方中

勉進大聖上下兼該

大聖指莽也上

文皆說詞以
文莽之姦謀

羣祥衆瑞正我黃來火德將滅

莽自以代漢為土德

色尚黃

惟后于斯天之所壞人不敢支哀平夭折百姓分

離祖宗之愆終其不全天命有託謫在于前屬遭不造

禁

一作策

極而遷皇天眷命黃虞之孫歷世運移屬在聖

新代于漢劉受祚于天漢祖承命赤傳于黃

言漢不敢違天命遂

以火德傳于土德

攝帝受禪立為真皇允受

一作執

厥中以安黎

衆漢廟黜廢移定安公

莽篡位封孺子嬰為定安公

皇皇靈祖惟若

孔臧隆茲珪璧命服有常為新帝母鴻德不忘欽德伊

何奉命是行菲薄服食神祇是崇尊不虛統惟祇惟庸

一作惟垣惟墉

隆循一作脩

人敬先民是從承天祇家允恭虔恪

豐阜庶卉旅力不射恤民于留不遑詭作

以崇本務農為悠久之道

弋獵介冑弗暇為之爾雅云留久也

別計十邑國之是度還奉于此以處

貧薄

平帝紀元始元年太后省所食湯沐邑十縣屬大司農計其租以贍貧民

罷苑置縣築

里作宅以處貧窮哀此嫠獨

罷安定公池苑以為安民
縣又起五里於長安城中

宅二百區
以居貧民

起常盈倉五十萬斛為諸生儲以勸好學

王莽

傳為學者築舍萬區作市常滿倉蓋
元始中猶避惠帝諱至此方稱常盈

志在黎元是勞是

勤春巡瀟澹秋臻黃山

瀟澹長安城中二水
名黃山宮名在槐里

夏撫鄜杜

扶風二
縣名

冬卹涇樊

涇水之際撫卹謂
因游覽而施恩惠

大射饗飲飛羽之

門飛羽殿在
未央宮中

綏宥耆幼不拘婦人刑女歸家以育貞信

元年天下女徒已諭歸家後貞婦鄉一人
三年詔曰復貞婦歸女徒欲以全貞信

玄冥季冬搜

狩上蘭

上蘭觀名
在上林中

寅賓出日東秩暘谷鳴鳩拂羽戴勝

降桑

汲冢周書時訓解穀雨又五日鳴鳩拂其羽又五日戴勝降于桑皆蠶候也

蠶于繭館

漢宮殿疏云上林苑有繭觀蓋蠶繭之所也

躬筐執曲帥導羣妾咸循蠶簇

筐曲皆育蠶之具簇竹器以茅藉之承老蠶作繭

分繭理絲女工是勅遐邇蒙

祉中外禔福自京逮海靡不仰德成類存生秉天地經

無物不理無人不寧尊號文母與新有成世奉長壽

簋

壤孝元廟獨置故殿為文母簋食堂既成名曰長壽宮

靡墮有傾著德太常注諸

旒旌嗚呼哀哉以昭鴻名享國六十殂落而崩

后以初元元年

癸酉歲立為皇后至王莽建國五年癸酉歲崩

四海傷懷擗踊拊心若喪考妣

過密八音嗚呼哀哉萬方不勝德被海表彌流魂精去

此昭昭就彼冥冥忽今不見超今西征既作下宮

墳塋也

不復故庭爰緘伊銘嗚呼哀哉

誄中事具本傳并王莽傳

傳毅

北海王誄

後漢書北海靖王興齊武王伯升子也建武二年封魯王後徙為北海王

顯宗器重興每有異政輒乘驛問焉立三十九年薨王嘗試守緱氏令為人明畧善聽訟甚得

名稱遷弘農太

守亦有善政

誄曰永平七年北海靖王薨於是境內市不交易塗無

征旅農不修畝室無女工感傷慘怛若喪厥親俯哭后
土仰愬皇旻於惟羣英列俊靜思勒銘惟王勛德是昭
是明存隆其實光曜其聲終始之際於斯為榮乃作誄

曰

覽視昔初若論往代

也若順

有國有家篇籍攸載貴賤不

驕蒲罔不溢莫能履道聲色以卒惟王建國作此藩弼
撫綏方域承翼京室對揚休嘉光昭其則溫恭朝夕敦
循伊德

曹丕

曹蒼舒誄

曹沖字蒼舒魏曹操子母曰環夫人魏曹丕之弟也少聰察岐嶷有成人

之智年十三病卒弗操哀甚為娣甄氏亡女與合葬贈騎都尉印綬

惟建安十有五年五月甲戌童子曹蒼舒卒嗚呼哀哉
乃作誄曰

於惟淑弟懿矣純良誕豐令質荷天之光既哲且仁爰
柔克剛彼德之容茲義肇行猗歟公子終然允臧宜逢
介祉以永無疆如何昊天雕斯俊英嗚呼哀哉惟人之

生忽若朝露役役

一作促促

百年疊疊行暮矧爾夙天十三

而卒何辜於天景命不遂兼悲增傷侘傺失氣

離騷忱鬱邑余

侘傺兮侘傺加救駕二切
傺丑利救界二切失志貌

永思長懷哀爾罔極貽爾良

妃謂甄氏合葬左傳
嘉偶曰妃音配

綏爾嘉服

謂贈印綬

越以乙酉宅彼城

隅增丘我我寢廟渠渠

詩夏屋渠渠言深廣也

姻媾雲會充路盈

衢悠悠羣司爰爰其車傾都蕩邑爰迄爾居魂而有靈

庶可以娛嗚呼哀哉

禮男子十二成童死則稱下殤言未成人也蒼舒之葬配以甄氏死

女又竊王朝命服以加之為立寢廟悖禮甚矣曹氏父子所謂小人而無忌憚者也

古文苑卷二十

欽定四庫全書

古文苑卷二十一

宋 章樵 註

賦

舊編載此諸篇文多殘缺搜檢他集互加參證或補及數句猶非全文姑存卷末以俟博訪

賈誼

虞賦

考工記梓人為筍虞天下之大獸五羸者羽者鱗者以為筍虞注樂器所縣橫曰筍

植曰虞此賦蓋指鍾虞前後俱關文

妙彫文以刻鏤兮象巨獸之屈奇兮

見氏為鍾鄭玄注今時鼓有蹲熊盤

龍辟邪

戴高角之戔戔負大鍾而顧飛美哉爛兮亦天地

之大式

歐陽詢藝文類聚載賈誼虞銘云致太平以深志象巨獸之屈奇妙彤文以刻鏤舒循尾之采

垂舉其鋸牙以左右相指負大鍾而欲飛

劉向

字子政西漢書有傳

請雨華山賦

此文闕載難讀姑存其舊以俟識者

崆嶺巍嵒嶢山清忽幽昧往曲勃林岑茱萸

一作萸 竭離

安連迎崦通谷曼服懷奄草均阿阪殷紛聲沸路遼遠

調脩崕曜寒服嶼冥冥蘭蔓散峽嵒嵒

此雀反

休休漆漆

路黍稷雲嶢忽傳天下為深壑旅請今深渥水谷密請

宜令所出百鑪清池涌泉淡州鳴

一作鳴

鶯翔喋喋殊

伯診賞懸若神悲哀

一作東

但往

一作但往

不可語人鹿麝麝

麝林他他野牛勝握觸熊蜚蜚律怒佛特林旅象犀膚

遊山陵天陰且雨員日聆棠柘梓桐掇梢母猴猿木戲

手相持賧陽趯勢若風時憚鴛鴦飄陽鸞孔翠文章明豎

一作騰

曠苑倉游山旁悵蠟狐貉臨水凝渾兮不觸果必

方蓋格可為悵陵鯉難神龜春夏出游冬自根聖人親

之誠虞哉號拖何不可勝亦路臨何為華山

劉歆

甘泉宮賦

三輔黃圖甘泉宮一曰雲陽宮秦始皇作在雲陽縣甘泉山漢武增廣之

周十九里乃黃帝以來國丘祭天處故武帝以後皆於此祀天成帝時揚雄從祠甘泉還奏賦以諷此賦不及祠祀後有關文也

軼凌陰之地室過陽谷之增城

按黃圖甘泉山在九峻山之北雲陽縣之西

迴天門而鳳舉躡黃帝之明庭

漢郊祀志黃帝接萬靈明庭明庭者甘泉也

冠高山而為居乘崑崙而為宮按軒轅之舊處君北辰

之關中

黃圖咸陽宮殿象天極帝居故此宮在北辰環城之內關一本作闕背共工之幽

都向炎神之祝融

言負北
向南也

封巒為之東序緣石闕之天

梯

封巒石闕皆觀名
在甘泉苑垣內

桂木雜而成行芳艸蠶之依斐翡

翠孔雀飛而翱翔鳳凰止而集栖甘醴涌於中庭激清

流之瀰瀰黃龍遊而宛蟪

音蛇

神龜沈於玉泥離宮特

館接比相連雲起波駭星布彌山高巒峻阻臨洮廣衍

深林蒲葦涌水清泉芙蓉菡萏菱葍蘋繁豫章雜木楨

松柞槭女貞烏勃桃李棗欖

傅毅

琴賦

桓譚新論神農氏削桐為琴繩絲為絃以通神明之德合天人之和廣雅曰神農氏

琴長三尺六寸六分上有五絃曰宮商角徵羽文王增二絃曰少宮少商

歷松岑而將降睹鴻梧於幽阻高百仞而不枉對脩條

而特處蹢通涯而特遊圖茲梧之所宜信雅琴之麗樸

乃弁

一作升

代其孫枝

孫枝附生枝也嵇康琴賦乃斲孫枝淮量所任至人摠思制為雅琴

眉山蘇氏曰凡木本實而末虛惟桐反之試取小枝削皆堅實如蠟而其本皆空故世所以貴孫枝者貴其實故絲中有木聲也命離婁使布繩施公輸之剗劂遂雕琢而成

器揆神農之初制盡聲變之奧妙抒心志之鬱滯

蔡邕

協和昏賦

嫁娶合二姓之好正人倫之始用昏時者取幽陰之義也故謂之昏禮

惟情性之至好歡莫偉乎夫婦受精靈之造化固神明之所使事深微以玄妙實人倫之所始考邃初往古也之

原本覽陰陽之綱紀乾坤和其剛柔

乾剛坤柔有夫婦配合之義

艮

兌感其晦腓

艮少男兌少女感應而為咸聖人列於下篇之首以象夫婦咸其晦咸其腓皆爻詞

葛覃恐其失時

毛詩葛覃言女功之事恐失時宜齊魯詩耶

標梅求其庶士

詩標有梅男女及時也其三章曰求我庶士迨其謂之

唯休和之盛代

休音煦休和猶醇和

也男女德平年齒

古者男二十至三十女十有五至二十謂之盛年嫁娶之時也婚姻

協而莫違播欣欣之繁祉

謂室家地宜于孫昌茂風俗淳厚

良辰既至

卜日用辰

昏禮已舉二族崇飾威儀有序嘉賓僚黨祁祁雲

聚車服照路駟騑如舉

駟騑車旁兩馬也如舉言均齊

既臻門屏結軌

下車

親迎儀壻入奠鴈姆奉女出登車至其家俟婦下車揖之導以入軌車轍也

阿傳

傳姆也

御堅鴈行蹉跎麗女盛飾矚如春華

後闕

琴賦

琴操曰昔伏羲氏作琴以修身理性反天真也此賦首尾俱有闕文

清聲發兮五音舉韻宮商兮動徵羽曲引興兮繁絲撫

然後哀聲既發祕弄乃開

琴調有曲有引有弄今所傳如明妃引蔡氏五弄

左

手抑揚右手徘徊抵掌反復抑按藏摧於是繁絃既抑

雅韻乃揚仲尼思歸

夫子將之晉及河聞鳴犢實犢之見殺也回輿而旋作陬山操其詞曰

復我舊廬從吾所好

鹿鳴三章

禮記宵雅肆三謂鹿鳴而下三章蔡邕琴操曰

鹿鳴周大臣之所作也

梁甫悲吟

古樂府有太山梁父吟蓋喪葬之詞

周公越裳

周公

輔成王越裳氏重譯來貢

青雀西飛

青雀西王母之使青鸞也琴操有離鸞

別鶴東翔

商陵牧子娶妻五年無子父兄欲為改娶牧子援琴鼓之嘆別鶴以舒其憤悶

飲馬長城古樂府有

飲馬長城窟行

楚曲明光

琴譜有楚王操有楚明光曲八者琴操曲名也

走獸率舞

書

拊琴瑟以詠
百獸率舞

飛鳥下翔
師曠為晉平公鼓琴
有玄鶴二八翔舞

感激絃歌

一低一昂

胡栗賦

邕自序云人有折蔡氏
祠前栗者故作斯賦

樹遐方之嘉木兮

樹種也言此木元非
中國植物來自胡也

于靈宇之前庭

通二門以征行兮夾堦除而列生
彌霜雪之不彫兮當

春夏而滋榮因本心以誕節兮
凝育櫟之綠英形猗猗

以艷茂兮似翠玉之清明何根莖之
豐美兮將蕃熾以

悠長適禍賊之災人兮嗟天折以
摧傷

述行賦

余有行于京洛

漢之東都河南尹也

邁淫雨之經時途迤邐其蹇

連潦汙滯而為災聊弘慮以存古宣幽情而屬詞行游

目以南望覽太室之威靈

山海經嵩高為太室山

顧大河于北垠

覩洛汭之始并

禹貢註洛汭洛入河處河南鞏縣東

率陵阿以登降赴偃

師而精勤壯田橫之奉首義二士之夾墳

西漢田儋傳高帝召田橫

橫與其客二人乘傳詣洛陽至尸鄉廐置自劉令客奉其頭馳奏高帝以王禮葬橫既葬二客穿其塚旁皆自

劉從之後漢郡國志河南偃師縣有尸鄉春秋時曰尸氏註田橫自殺處

魏文帝

浮淮賦

序見王桀浮淮賦前

沂淮水而南邁兮泛洪濤之湟波仰巖岡之崇阻兮經

東山之曲阿浮飛舟之萬艘兮建干將之鈇戈

干將吳之良冶

能鑄劍故後人

揚雲旗之繽紛兮聆榜人之謹譁

榜必極反

船人也月

乃撞金鍾爰伐雷鼓白旄冲天黃鉞扈扈

左伏

黃鉞右秉白旄以進退軍中色尚白

以誅伐飾

武將奮發驍騎赫怒

於是驚風泛涌波駭衆帆張羣櫂起爭先逐進莫適相

待

王祭

大暑賦

惟林鍾之季月

季夏月建未律中林鍾

重陽積而上升

夏至一陰生大暑六

月中氣一陰並進故羣陽上升

喜潤土之溽暑

大暑後五日土潤溽暑

扇溫風而

至興

六月節溫風至

獸狼望以倚喘鳥垂翼而弗翔遠昆吾之

中景

鄭語注祝融之孫封於昆吾祝融炎帝之佐

天地翕其同光征夫瘼於

原野處者困於門堂患衽席之焚灼譬烘燎之在床起

屏營而東西欲避之而無方仰庭槐而嘯風風既至而
如湯氣呼吸以怯短汗雨下而霑裳於是帝后順時幸
九峻之陰岡託甘泉之清野御華殿於林光

三輔黃圖
咸陽在九

峻山南始皇營宮殿北至九峻甘泉南至鄠杜離宮別館柏望漢武增廣之有高光宮林光宮潛廣室

之邃宇激寒流於下堂重屋百層垂蔭千廡九閨洞開
周帷高舉堅冰常奠寒饌代叙

闕

曹植

曹操之次子後
封陳王謚思

述行賦

尋曲路之南隅觀秦政之驪墳

始皇名政葬於驪山哀黔首之罹

毒酷始皇之為君濯余身於秦井

溫泉也

律湯液之若焚

劉楨

字公幹為魏司空軍謀祭酒掾屬

大暑賦

其為暑也羲和總駕發扶木

羲和日御也日出於扶桑一曰若木

太陽為

輿達炎燭威靈參垂步朱轂

南方赤帝曰靈威仰

赫赫炎炎烈烈

暉暉若熾燎之附體又溫泉而沈肌獸喘氣於玄景鳥

戢翼於高危農畷捉鎛而去疇

鎛在田反農器鐵首

織女釋杼而

下機溫風至而增熱

張衡思玄賦溫風翕其增熱

歎悵惛而無依披

襟領而長嘯冀微風之來思

應瑒

字德璉曹公辟丞相掾後為五官將文學有文名與魯國孔融廣陵陳琳山陽王粲北海徐幹

陳留阮瑀東華劉楨謂之建安七子

靈河賦

河源出崑崙上與天漢相通故曰靈河

涖靈川之遐源兮于崑崙之神丘陵增城之陰隅兮賴

后土之潛流銜積石之重險兮披山麓之溢浮蹶龍黃而

南邁兮紆鴻體而因流

河源自崑崙東注蒲昌海潛行地下南出於積石禹貢導河積

石至于龍門疏郭璞云發源高處激湊故水色白潛流
地中受渠衆多渾濁故水色黃西北人謂水為龍蹶俱

衛反毛氏詩

涉津洛

一作路

之阪

一作峻

泉播九道乎中州

禹貢又北播為九河注北分
為九河以殺其溢在兖州界

汾潏涌而騰驚兮恒疊疊

而徂征輦乘高而迅逝兮陽侯沛而震驚

陽侯波神

有漢中

葉兮金隄隄而瓠子傾興萬乘而親務兮董羣后而來

營下淇園之豐篠兮投璧玉而沈星

史記文帝時河決金隄武帝元光中

河決瓠子於是天子臨決河沈白馬玉璧令羣臣從
官自將軍以下皆負薪填決河取淇園之竹以為楫若

夫長杉峻櫓茂枯芬樞扶疏灌列

灌音貫木叢生也詩黃鳥于飛集于灌木

映水蔭防隆條動而暢清風白日顯而曜殊光

言築隄已成水

惠旋息樹衆木於隄上以固設

傅毅

一本作崔駰

東巡頌

漢光武中興三葉至章帝按本紀建初八年冬十二月東巡狩又元和二年二

月幸太山
恭告岱宗

伊漢中興三葉於皇維烈允迪厥倫繼王命膺漢興矩

坤度以範物規範則以陶鈞於是考上帝以質中愍列

宿於北辰開太微敬禁庭延儒林以諮詢岱岳之事于

時典司耆耋載華抱實徵

一本作

爾而造曰盛乎大漢既

重雍而襲熙代增其德唯斯岳禮久而不修此神人之

所慶幸海內之所想思頌有喬山之征

周頌時邁巡守告祭柴望也其

詩曰懷柔百神及河喬岳又殷之詩曰陟其高山墮山喬岳

典有徂岳之巡

舜典歲二月東

巡守至

時邁其邦

周頌時邁其邦吳天其子之

人斯攸勤不亦宜哉

乃命太僕馴六轡

一本作騶

閑路馬戒師徒於是乘輿登天

靈之威路駕太一之象車升九龍之華旗建掃霓之旌

旌哀胡耆之元老聘東作之上游賞孝行之暖農

蔡邕

一本作班固

東巡頌

竊見巡狩岱宗柴望山虞宗祀明堂上稽帝堯中述世
宗遵奉光武禮儀備具動自聖心是以神明屢應休徵
乃降不勝狂簡之情謹上岱宗頌一篇曰若稽古在漢
迪哲聿修厥德憲章丕烈翻六龍較五路齊百僚陶素
質命南重以司厯厥中月之六辰備天官之列衛盛興

服而東巡

後闕

南巡頌

惟漢再受命爰葉一十協景和則天經郊高宗光六幽
通神明既禘祖於西郊又將祫於南庭是時聖上運天
官之法駕建日月之旃旌

九惟文

惟思也此文乃九惟之一後當有關文否則以貧為病不思所以處之徒見殞

獲亦非作文之法

八惟困乏憂心殷殷天之生我星宿值貧


如祿命書所推六極

之厄

洪範六極四曰貧

獨我斯勤居處浮漂無以自任冬曰栗

粟上下同雲無衣無褐何以自溫六月徂暑炎赫來臻
無絺無綌何以蔽身無餉而飽永離懽欣



古文苑卷二十一